

道元卷之六十四

<p> 将班 驱风大将朱成真，驱云大将全真一，驱电大将李正，驱雷大将童可烈，驱雨大将陈宗夫，收风大将严以信，收云大将梅忠信，收电大将留世雄，止雷大将朱至忠，收雨大将万接。凡书符，先焚香集神，步风火罡召将。左手斗诀，右手持朱笔，自东南起笔，划过西北，念东方蛮雷急速起。西南划过东北，念南方蛮雷使者急速起。自南划过北，念西方蛮雷使者急速起。自东划过西，念北方蛮雷使者急速起。次中央蛮雷使者急速起，打一圈。次书北斗七讳於中间。又书敕煞摄三字以盖之。外八方书雷火八个。自北起，顺行书之，并要依中央法。再大书雷火二字以盖符形，成一墨团，念都天咒敕之。次再咒曰：风雷起，电火生，神威降，灭邪精。急急如雷霆帝君敕。阿那隶皮舍题皮啰□那啰陀盘陀呢□那啰谤呢判火颡啍嘘拥判娑婆诃。急急如雷霆帝君律令。右符起五方雷。凡发申状奏状，紧切文字，当以此符护送之。焚符之际，左手执阳光印在上，右手执阴光印在下，念前秘咒。即以印相摩，大击一声，作电光雷声，大能治祟去病。与人作需符，如病人在东方，在坛下望东方烧去。亦以此例，弩目作威，只呼：东方使者起治某事如何行。余效此。驱风大将朱成真。青衣白袍，跣足披发，面青白色，手持双斧。辅鬼五人，各着青衣，披发跣足，各持虎斑风袋。凡召将，先置雷匣於行持之所，面风欲来方，法师披发跣足，穿黑衣，左手持风印，右手持剑，呼将名，存至。咒曰 四时得信，利力和真。火飞一诀，天地俱昏。四天闭黑，其色如云。秀质炼形，明辅天真。谨如玉清上帝律令。右法存至目前。次卓剑向前，将印面向上安於桌上，左丑文，右执笔，向风欲来处吸一口，吹笔上，用纸一片如印面大书符。咒曰 天道合德，日月合明。天清地宁，五岳摧倾。神明辅我，飞天僻兵。成真驱风，速降如云。谨如上帝律令。驱风大将，诸部吏兵。回逆作顺，罗列风云。明天明地，山岳震惊。四维上下，随印指陈。吾印一下，风火万程。内入成真二字。右书符讫，用乌金纸一贴、乌马一个烧之。喝：神将疾速驱起。须臾风作。雷光烈称，南方火

君。飞毒万象，震烈八方。灵符化形，速现神光。急急如律令。 咒曰 冯夷关伯，立吾坛侧。穿林断踪，飞沙走石。唵吽吽，唵敕敕，唵灵灵。神虎虎神，急急疾震。天烈火雷摄万邪，今日召汝，速现真形。急急如律令。 步风罡 右烧符，喝：东方使者，只今部领兴风大将某，速起狂风，自某方而至。 咒曰 风出艮角，地户排兵。巽方前路，呼煞猛风。万物成信，坎震之宫。上帝有敕，永镇雷霆。急急如律令。 驱云大将全真一。 着皂襪紫抱，白履，顶铁冠，面黑色。左右辅鬼二人，着皂衣，面目身体并赤，披黄发，跣足，执小旗二面，口中吐云雾。手执金戟，上有皂幢。凡遇久旱，要云布雨，左手执云印，右手执剑，向南吸炁一口吸印上，呼驱云将某，存至。 咒曰 四海混元，五岳驱奔。石裂拒逆，敢有张鳞。行云布炁，聚质炼真。六丁六甲，一如律令。 右法存至。次卓剑安印，向南吸炁，吹纸画符。咒曰： 乾角巽雷，逐昏风火。火光宿交，普得润我。四溟神杀，天地合德。神人合备，疾速布云。一如律令。 内入真一二字。 右书符讫，用乌金纸一贴，甲马一个烧之，喝将起云。 咒曰 八角乘通化，灵真万物荣。炁成明九夜，迅发破南辰。离激天罡火，金光发彩霞。奉长生大帝敕。 步起云立生罡 右烧符，喝：使者部领兴云大将某，速起浓云，自某方而至。 咒曰 云生兑户，速应西方。金神七煞，四目老翁。掷火万里，队仗纷纷。天丁前驱，四野云生。急急如律令。 驱电大将李正。 朱衣，顶金冠，朱履，青发，双手持二物若团镜状，有光。辅鬼二人，朱衣，披黑发，各持朱幢。凡遇行舟涉夜，登途昏暗，即驱照耀。左手印，右手剑，向天门呼：电火将李正为吾驱电。 咒曰 天火彻光，地火烈光。神明一召，普现十方。光明朗列，追运五方。佩带列宿，上接天罡。急急如律令。 电光使者，电母将军，茂光童子，起雷神君，照出恶邪，不得留停。杀灭九丑，使世速平。 内入李正二字。 右书符讫，用绯纸一贴、火马一个焚之。须臾电起。 咒曰 电分八彩，烈照四隅。南方火君，甲乙大神。火光初始，三炁生神。光作一照，天地开昏。奉长生大帝敕。神剑辉光，火敌南方。震辉列照，万邪逃亡。今日召汝，齐赴天罡。急急如律令。 步飞电应化罡 南陵天神，上帝高穹。驱雷致雨，变电虚空。阙伯

皓齿，凤觜龙鳞。疾速遍化，变电惊人。搜山破庙，永镇雷霆。急急如律令。 驱雷大将童可烈。 着绯禄青衣，顶铁冠，面黑发黑，手持二铁锤，背负一铁壶，瓶中常有火光。辅鬼五人，虎头，黑斑，身黄，跣足，各执瓶。如驱雷，向东方，左印右剑，呼：驱雷大将某速至。 咒曰 天雷地雷，鸣震八方。摧山倒岳，猛彻天仓。雷公催部，玉女持罡。 今日召汝，齐赴帝乡。谨如玉清律令。 右法存至。次卓剑安印，握雷局，面东南吸炁吹纸书符。 咒曰 天皇天皇，上应天仓。应物合机，信及八芒。响彻高穹，动入渺茫。坤子摄，左激罡。雷公发，万里昌。一如元君律令。 内入可烈二字 右书符讫，用律纸一贴、火马一个焚之。须臾雷震。 咒曰 主雷大将，直雷将军。雷光万道，煞炁纷纷，雷声大动，雷光奔腾。灭邪斩鬼，剪绝妖精。吾令到处，天地肃清。急急如律令。 又曰 阿香阿香，耀通泉路。推转雷车，大发雷声。广施甘雨，速济焦枯，一如律令。 步飞雷疾速罡 神出坎户，雷震四方。木郎太乙，速起轰轰。雷火速发，火急击山。威声赫赫，震动乾坤。急急如律令。 咒曰 南方火君，催摄现形。今日禹步，天罡应声。雷霆使者，速现真形。急急如律令。 驱雨大将陈宗夫。 着皂撰青衣，铁冠，赤发跣足，手执青幢，面青，左右有黑龙二条。凡遇亢旱求雨，面北，左印右剑，呼：驱雨将某速降。 召咒 太清合诀，玉律万章。明神协辅，大道永昌。云过北海，雨及四方。五雷速降，不得住滞。一如上帝律令。 右法存至，卓剑向前，掐中指中，以北炁吹纸、笔上书符。 咒曰 乾吉利亨乙帝摄。曰光辉，月光辉。雨风四及，明彻八方。游奕大将，顶戴天罡。润及生灵，普灭不祥。速降速降，一如律令。 右书符讫，用本部印印之。仍用纸一贴、甲，马一个焚之。须臾雨至。 咒曰 四隅济毒罡，灵迹现真仓。下笔呼罡黑，何为神不当。一如律令。 雨应罡 巴噀丑伯，元皇统云。万神禀命，雨阵排兵。雨师风伯，普济群生。玉帝告命，速离帝廷。一如律令。 又咒 北风飘飘至，西云郁郁来。南丹凤翱翔，东火龙徘徊。真人捧信檄，召汝作云雷。急赴雷坛下，济拔於苦菱。一如律令。 凡遇风雨不止，损伤苗稼，即行止法。变神为天师，前有圆镜，后有方镜，象天圆地方。欲止风势，面风来处，左风印，右剑

，呼召收风大将严以信。着黑衣，披发面赤，足有乌甲，下有黄蜂乘足，左右黄龙二条。如欲止风，如前变神，执剑印召之。咒曰 信发魁罡，德及四隅。威摄山岳，无物可居。一如律令。右法存至，卓剑持印书符，向风来处，吸炁一口吹纸书符。咒曰 魁合列岳，风且良角。敢有不从，当遗豁落。立止立止。急急如律令。右书符讨，用纸一贴、甲马一个焚之。喝：神将疾速与吾收止。收云大将梅忠信。着紫袍，披发，白履，面红，白金甲常有紫云乘足，手执白拂。辅鬼二人，黄衣，披黄发，跣足，各执青匣。凡收云，当变神，执印，呼：止云去将某。想至。咒曰 太乙元皇，令摄太仓。尾箕敌散，力挥五岳。震光太常，元宾成化，充折扑摄。急急如上帝律令。右书符讫，用钱马焚之。喝：将某速急与吾收止。收电大将留世雄。皂抱大袖，青绿被，黄发，朱履金甲，面赤色，背一火瓢，行即有大黑云乘足，口鼻出火乃光明也。如前召之。召咒 世雄不可当，力摄於八方。下笔呼罡炁，电光立便藏。一如太乙上帝救。右书符讫，用钱马焚之，喝：将某火速与吾收止。止雷大将末至忠。皂襖绯衣，铁冠，面黑色，其形弱，就有四牙出口，常擎双手，有青云乘足，如遇雷声不止，人民惊惧，召之。咒曰 风摄雷摄，天帝雷公摄。右书符讫，用钱马焚之。喝：将某急速与吾收止。收雨大将万接。着青襖皂抱，披发，面青黑色，披黑甲，赤足，左手持帝锤，右手执斧轮，常有黑风轮乘足上，有黑雾。雨不止，执印召之。咒曰 乘怜天仓，冥雨四方。雨济信摄，乾皇明报。摄。右书符讫，用钱马焚之，喝：将某急速与吾收止。又法：已上五咒诵毕，各认所属。望六乙焚符，吸炁，入净室行持，存神如法。行此三度，即有验矣。总收咒 天魂地魂，日月交收。神归绛宫，炁归玉皇。急急如雷祖帝君律令。右篆毕，步斗，入斗口中立，以符烧灰，左手握诀，右手仗剑，望虹蜺念咒：神尺龙首，千魔自干。设位大罗，啸咏洞章。急急如太上老君律令。巽炁吹去。咒曰 斧辟魁罡天杀救，救煞天罡魁辟斧。子午斗踢去。斩虹蜺存身为天罡，取罡炁吹剑，仍以右手剑诀，念：天罡天魁，立驱妖雾。使我灵功，妖邪速去。急急如天罡大圣律令。连念三遍。左手斗印，念：北斗九辰，中

天大神。上朝金阙，下覆昆仑。调理纲纪，统制乾坤。大魁贪狼，巨门禄存。文曲廉贞，武曲破军。高上玉皇紫微帝君。急急如北斗玄真律令敕。念咒毕，仰望虹蜺步斗罡，至□星起罡。放了手中斗印，以茅叶一束在袖内，左手剑诀，右#1手把茅，再念：吾今握剑斩妖精，邪气纷纷化作尘。宝剑一挥虹两断，一天云散朗然明。敢有违今天帝敕，送归天狱受严刑，一如天罡大圣敕。步三台罡 上台一黄，驱却不祥。中台二白，护身镇宅。下台三清，治病除精。以剑断茅两段，卓剑喝去。吾剑一下，河海朗明。疾。虹蜺即断。却以玉蒂扫之，存天狗星现，狗尾一扫都去。 #1『右』原作『在』据上下文义改。



[下载本文pdf文件](/pdf/2528-道元卷之六十四.pdf)